


☒ Андижон вилояти ҳокимлиги расмий портали

Андижон тажрибаси элга ёйилар



Ибратли ишларни кўпчилик ўрганиб, амалда қўллашга ҳаракат қилади. Вилоятимиздаги илғор тажрибаларга, янгиликларга қизиққанлар кўп.

Айни кунларда қатор вилоятлар туманлари ҳокимлари ҳам қишлоқ хўжалиги, қайта ишлаш корхоналаридаги намунали ишлар билан яқиндан танишиш мақсадида Андижонга келдилар. Меҳмонлар Асака, Олтинкўл, Хўжабод туманларида олиб борилаётган кенг қўламдаги тадбирлар билан танишдилар.





Олтинкўл туманидаги кўп тармокли «Бахт имкон ривожини» фермер хўжалиги чорвачилик комплексига бўлдилар. Фермер Фахриддин Исмоилов фермер хўжалиги фаолияти ҳақида батафсил гапириб берди.

Замонавий талаблар асосида барпо этилган чорвачилик мажмуасида жами 2102 та насли қорамол ва бузоқ боқилантипти. Илғор технологиялар асосида парваришланаётган сигирларнинг маҳсулдорлиги юқори. Ҳар бош соғин сигирдан кунига 25-28 литр сут соғилантипти. Хўжаликда эчкичиликни ривожлантиришга алоҳида эътибор берилмоқда. Германиядан 300 бош эчки келтирилди. Эчки сутини етиштириш кун тартибига.

Фермер хўжалигида боғдорчилик, балиқчилик, паррандачилик, қуёнчилик, эчкичилик йўналишидаги ҳаракатлар самараси кўпчиликнинг ҳавасини келтирмоқда.

Улуғнор туманидаги Дўстлик массивида 30 миллиард сўмлик лойиҳа рўёбга чиқариляпти. Бузоқлар парваришланадиган ферма барпо этиляпти. 200 гектар майдонда ёнғоқзор ташкил этиш борасида ҳам ҳаракатлар жадал бормоқда. Янги лойиҳа 50 дан зиёд янги иш ўрни яратишга замин бўлади.



Чорвачилик мажмуасидаги техникаларнинг аксарияти замонавий русумдаги, унумдорги юқорилиги эътиборга молик.

Меҳмонлар Чўнтак маҳалласидаги бир неча хонадонда бўлиб, уй шароитида парранда парваришлаб, даромад топаётган юртдошларимиз билан суҳбатлашдилар. Ферузахон Ўринова, Одилжон Воҳидовларнинг томорқасида иссиқхона ташкил қилгани оила даромадини ошириб, эл дастурхонига эртаки помидор, бодринг етказиш имконини бермоқда. Одилжон Воҳидовнинг иссиқхонасида иккинчи марта экилган бодринг кўкка бўй чўзиб, гуллади. Ферузахон Ўринова 96 бош товукдан ҳар куни етмиштага етиб тухум оляпти.

- Маҳалламиздаги 595 хонадоннинг ҳар бирида иссиқхона бор, - дейди Чўнтак маҳалла фуқаролар йиғини раиси Гулшаной Мамадалиева. - Дастурхонидан помидор, бодринг, цитрус мевалар узилмайди. Эҳтиёжидан ортиғини юртдошларимизга илинишади.

Меҳмонлар Хўжаобод туманида «Тошкент вино комбинати» акциядорлик жамияти, Ташқи иқтисодий фаолият миллий банки, «Навигул», «Fruit industries» кўшма корхоналари ҳамкорлигида амалга

оширилган лойиҳа билан ҳам танишдилар. Карам, сабзи, бақлажон сингари сабзавотларни қайта ишлаб, қуритиб замонавий кўркам идишларга қадоқлаш йўлга қўйилди. Мева-сабзавотларни сақлаш омбори дала, боғ неъматларини сақлаб, йил бўйи эҳтиёжмандларга етказишга хизмат қилади.

Ўктамжон Тўраев, Сурхондарё вилояти, Бойсун тумани ҳокими:

- Андижонда ҳар бир иш тизимли амалга оширилаётгани самарада намоён. - Олтинқўлдаги «Бахт имкон ривож» кўп тармоқли фермер хўжалиги фаолияти таҳсинга муносиб. Наслли чорва маҳсулдорлиги ҳавас қиларли. Компьютерлашган соғиш зали Ўзбекистон фермерларининг дунёдаги ҳамкасбларига бўйлашаётганидан дарак.

Андижонда қишлоқ хўжалиги бўйича ибрат мактаби яратилганига амин бўлдим.

Фурқатжон Турсунов, Бухоро вилояти, Шофрикон тумани ҳокими:

- Сафардошларим айтганидек «Бахт имкон ривож» кўп тармоқли фермер хўжалигининг ишларига қойил. Фахриддин фермернинг қулочни кенг олгани мамлакатимизда тадбиркорларни қўллаб-қувватланаётгани туфайлидир.

Президентимиз Шавкат Мирзиёевнинг ҳар бир оила тадбиркор бўлиши керак, деганларига Олтинқўлдаги хонадонларда бажарилган ишлар амалий жавобдир.

Абдувоҳид Қурбонов оила аъзолари билан ўстираётган гуллар гўзаллик тимсоли бўлиб, файз -тароват таратяпти.

Фозилжон Қулматов, Қашқадарё вилояти, Ёузор тумани ҳокими:

- Андижонда аввал ҳам бўлганман. Ибратли ишлар билан танишганман. Ҳар гал келганимда бир янгиликка гувоҳ бўламан. Хўжаобод туманидаги мева-сабзавотларни замонавий тарзда тайёрловчи мажмуанинг ишга тушиши, бир бирига туташ боғларда барқ уриб ўсаётган турли мева кўчатлари, сабзавотлар етиштириш айни чоғдаги намунали ҳаракатлар натижасидир.

Андижонда бошланган қурилиш, бунёдкорлик, ободлик изчил давом этаётгани ҳаммининг ҳамжиҳат ҳаракати туфайли эканини дилдан хис қилдик. Ҳар қадамда гуллар очилган. Сафаримиз давомида кўрган, билганларимизни туманимизда қўллашимиз.

Меҳмонлар билан мулоқот мезбонлар учун ҳам фойдали бўлди. Кўпчилик кўп билади, деганларидек ибратли иш кўлами янада ортади. Андижондаги ибратли ишлар элга ёйилиб фойда келтиради. Халқимиз-фаровонлигига хизмат қилади.